



Januar  
2023

Paris-im  
isumaqatigiissutip  
inuaqatigiinnut  
kalaallinut  
sunniutissaannik  
misissueqqissaarneq

Nalunaarusiaq Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfik sullillugu Ea Energianalyse-mit suliarineqarpoq.

Misissueqqissaarneq nalunaarusiani marlunni suliarineqarpoq: Nalunaarusiaq pingaarneq (manna) aammalu tunngaviusunut nalunaarusiaq qulequttanik kalluarneqartunik itisiliilluni allaaserinniffiusoq.

Ea Energianalyse  
Gammeltorv 8, 6 tv.  
1457 København K  
[www.eaea.dk](http://www.eaea.dk)



# Imai

<b>Tunngaviusoq aamma inerniliussat pingarnerit</b>	<b>4</b>
Tunngaviusoq siunertaalu	4
Inerniliussat pingarnerit	5
<b>Silap piissusiata allanngoriartornera aamma Paris-imi isumaqtigiissut</b>	<b>7</b>
Nunarsuarmi silap piissusiata allanngoriartornera	7
Silap piissusiata allanngoriartornera qanoq Kalaallit Nunaannut sunniiva?	8
Paris-imi isumaqtigiissut	8
Kalaallit Nunaat qanoq Paris-imi isumaqtigiissummi pisussaaffilerneqarpa?	9
<b>Silap piussusianut sunniineq annikillisitsinissamullu periarfissat</b>	<b>10</b>
2020-mi Kalaallit Nunaanni silap piussusianut sunniineq	10
Suliniutissat aallartinneqareersut	11
Silap piussusianut sunniinerup siumut naatsorsornera	13
Ikummatisat mingutsitsinngitsut	15
<b>Inuuussutissarsiutini anigorniagassat</b>	<b>17</b>
Aatsitassanik piiameq	17
Imarsiorneq aalisarnerlu	18
Inuuussutissarsiornermi siunissami periarfissat allat	20
<b>Innersuussiviit</b>	<b>22</b>



# Tunngaviusoq aamma inerniliussat pingaarcerit

## Tunngaviusoq siunertaalu

Silap pissusiata allanngorioratornerata sunniinerlunnissaa annikillissinniarlugu nunarsuarmi nunat 195-it 2015-imi Paris-imi isumaqtigiiissut akueraat. Nunarsuup kiannerulernerata siusinnerusukkut suliffissaqaqarnermut sanilliullugu 2°C ataaniitsinnejarnissaa pillugu ungasissumut siunertap qulakkeernissaanut pisussaaffeqarneq aammalu kiannerulernerata 1,5 °C-imut killilersimaarneqarsinnaanissaanut iliuuseqarnissamik kaammattuineq, isumaqtigiiissutip imarai. Nunat anguniakkat taakkua sulissutiginissaannut inatsisitigut pisussaaffeqarput.

Danmarki 2016-imi Paris-imi isumaqtigiiissummut ilaalerpoq, Kalaallit Nunaannut nunamut tunuarsimaarfilimmik. Tamanna pivoq, pissutigalugu taamanikkut Naalakkersuisuusut tamanna qinnutigimmassuk. Tunuarsimaarfeqarnermut pissutaasoq pingaerneq tassaavoq, Kalaallit Nunaanni aningaasaqarnikkut ineriertornerup silap pissusianik mianerinninnermit killilerneqarsinnaanerata

ernumassutigineqarnera, aammalu isumaqtigiiissummi nunap inoqqaavisa pisinnaatitaaffiinut imaluunniit nunap inoqqaavisa ineriertornissamut pisinnaatitaaffeqarnerannut inatsisitigut pisussaaffiliisumik innersuussisoqannginnera. Nunamut tunuarsimaarfeqarneq atorunnaarsinnejassanersoq, taamaalillunilu Kalaallit Nunaat Paris-imi isumaqtigiiissummut pisortatigoortumik ilaalissanersoq, Inatsisartut isummerfigisussaavaat. Taamaattumik Inuit Ataqatigiit aamma Siumut akornanni naalakkersuisooqatigiiinnissamut isumaqtigiiissummi 2022-meersumi makkua allassimapput:

*Paris-imi isumaqtigiiissutip inuiaqtigiiinnut sunniutissai misissoqqissaarneqassapput, taannalu siusinnerpaamik aalajangiffigineqarnissaanut 2022-mi Inatsisartut ukiaanerani ataatsimiinneranni saqqummiunneqassaaq.*

Taamaattumik naalakkersuisooqatigiinnissamut isumaqatigiissut aallaavigalugu makkuninnga siunertaqartoq misisueqqissaarneq sularineqarpoq:

1. Paris-imi isumaqatigiissut qanoq Kalaallit Nunaannut pisussaaffiliissanersoq misissorneqassasoq aamma
2. Inuiaqatigiit kalaallit silap pissusianut sunniinerminnik annikillisitsisinnaanissaannut qanoq iliorqartariaqarnersoq misisoqqissaarneqassasoq

*suliassaqarfimmik silap pissusianik tigusisimanera. Taamaalilluni Danmarkip EU-NDC-imi pisussaaffeqalersimaneraniit allaanernit annikillisitsinissamut siunnerfissanik Kalaallit Nunaata danskit naalakkersuisui suleqatigalugit aalajangersaanissa inatsisitigut akornutissaqanngilaq. Ilanngullugu assersuutigalugu aatsitassanut umiarsuillu angallannerannut suliassaqarfik Kalaallit Nunaata annikillisitsinissamut pisussaaffeqarnerani ilaatinnginnejarsinnaassaaq.*

- Naalagaaffiit Peqatigiit silap pissusianut ilisimasalittai naapertorlugit silap pissusiata allanngoriartornera Kalaallit Nunaanni Issittumilu malunnaatilimmik allanngortitsisinnaasoq ilimanaateqartorujussuusinnaavoq, sermersuup aakkiartornera sukkanerulerluni, nuna qeriuannartoq aakkiartulerluni, sumiiffiit sikusartut annikillutik, qaqqat sisoornissaat, taakkualu aseruisumik tassaarsuaqartitsinissaat, immap qaffasinnerulermissaa aammalu uumasut aalajangersimasut nungutaanissaat aarlerinaateqarnerulerlutik.

## Inerniliussat pingaarnerit

### Paris-imi isumaqatigiissut silallu pissusiata allanngoriartornera pillugit

- Kalaallit Nunaat Naalagaaffiit Peqatigiit silap pissusia pillugu nunani tamalaani isumaqatigiissutaanni nammineerluni suleqataanngilaq. Taamaattumik Kalaallit Nunaat Paris-imi isumaqatigiissutip ataani Naalagaaffiit Peqatigiinnut nammineerluni annikillisitsinissamut tapersiissutissaminik nalunaarutiginnissinnaanngilaq. Annikillisitsinissamut tapersiissutit aamma silap pissusianut suliniutissat Danmarki aqqutigalugu nassiunneqartussaapput. Ilusiliaasinnaasoq tassaavoq, Kalaallit Nunaata nammineerluni silap pissusianut suliniutissai Paris-imi isumaqatigiissummut danskit pisussaaffiinut tapiliussatut attaveqaqatigiissutigineqartassasut
- Naalagaaffiup eqqartuussusserisuat nalilivoq:  
*Paris-imi isumaqatigiissutip ataani pisussaaffiit naammassineqarnissaannut Kalaallit Nunaat qanoq iliorluni immikkut silap pissusianut suliniuteqarnermut tapersiissanersoq, Kalaallit Nunaat [...] danskit naalakkersuisui suleqatigalugit aalajangersaasussaasoq. Suleqatigilinnermi tassani namminersornermut inatsit aamma Naalagaaffiit Peqatigiit silap pissusia pillugu nunani tamalaani isumaqatigiissutip ataani nunani tamalaani sila pissusiata allanngoriartornera pillugu danskit naalakkersuisuisa aamma Namminersorlutik Oqartussat akornanni suleqatigiinnissamut isumaqatigiissut, aallaavigineqassapput, ilanngullugu Kalaallit Nunaata*

### Kalaallit Nunaanni silap pissusianut sunniineq aamma mingutsitsinngitsumut allanngoriartitsineq pillugit

- Kalaallit Nunaanni nunami namminermi CO<sub>2</sub>-mik aniatitsinermi 2020-mi CO<sub>2</sub>-nnguuttartut 577.000 tonsiupput, pingaartumillu kiassarnermut, aalisarnermut, innaallagisseurmut assartuussinermullu uuliamik tunisassianik ikuallaanermeersuulluni. Ullumikkut aniatitsineq 1990-imiit 12%-inik annikinneruvoq.
- Erngup nukinganik piorsaanissaq pillugu suliniutissat aallartinneqareersut (Nuup eqqaani Utoqqarmiut Kangerluarsunnguat aamma Qasigiannguit Aasiaallu eqqaanni Kuussuup Tasia) innaallagisseurmut kiassarnermullu uuliamik atuinermik annikillisitsisussaapput. Tamanna Kalaallit Nunaata aniatitsineranik 460.000 tons missaannik annikillisitsisinnaavoq (1990-imiit



- 30%-imik annikinnerusoq) – qanoq  
tamatuma atorluarneqarnera apeqqutaalluni.
- Aatsitassanik piaanermit  
aatsitassarsiorfinnillu ingerlatsinermi  
ingerlataqarnerulerlernerup Kalaallit Nunaanni  
silap pissusianut sunniineq  
annertunerulersissinnaavaa. Assersuutitut  
naatsorsukkat takutippaat, piaanissamut  
akuersissutit tamarmik  
aatsitassarsiorfinngussappata, suliassanilu  
nunap iluaneersut ikummatisat  
aallaavagineqarlutik tamanna Kalaallit  
Nunaanni silap pissusianut sunniinerata  
2020-mut sanilliullugu isigalugu 40%-inik  
annertunerulersinneranik  
malitseqarsinnaasoq. Oqaatigineqarpoq,  
aatsitassarsiorfissanut allanullu suliniutinut  
 $\text{CO}_2$ -nik aniatitsinermik annikillisitsisussanut  
ataavartumik nukissiamik pilersuinermut  
periarfissat ukkatarineqarmata. Tamatuma  
saniatigut suliniutit suut  
aallartinneqassanersut, taakkualu piffissat  
ingerlanneqarfissai assigiinnersut,  
missingorsorumaappaq.
- Inuussutissarsiornermut politikkikkut ukiuni  
makkunani nunani tamalaani
- malunnaatilimmik allanngortoqarpoq, silap  
pissusiata allanngoriartornera mianeralugu  
tunisassiornerup ingerlanneqarnissaa pillugu  
ujartuinermut tunngasortaani  
piumasasaateqartoqarlungi. Tunisassiornermi  
mingutsitsinngitsumut  
allanngoriartortitsineq  
inuussutissarsiornermik suliaqartunit  
arlalinnit unammilleqatigiinermi  
tunngavissatut isigineqarpoq.
- Silap pissusiani aaqqiissutissarsinissamut  
tunngatillugu Kalaallit Nunaanni  
unammilligassat annersaraat aalisarnerup,  
imarsiornerup, silaannakkut angallannerup  
aammalu illoqarfinni nunaqarfinnilu erngup  
nukissiamik atuinerup  
allanngoriartortinnissaat.





# Silap pissusiata allanngoriartornera aamma Paris-im isumaqatigiissut

## Nunarsuarmi silap pissusiata allanngoriartornera

### Silaannarsuarmi CO<sub>2</sub>-p annertusiartornera

Silaannarsuarmi gassit silaannarmik kissatsitsisartut katersuunneri ukiuni 800.000-ini aatsaat taama annertutigipput. Gassit silaannarmik kissatsitsisartut, soorlu CO<sub>2</sub> aamma metan, kissartup nunap qaavaniit utertinneqartartup qinngorneri mattullugit nunami silap pissusianut sunniisarput, seqernup qinngorneri aporfegartinneqaratik. CO<sub>2</sub>-t annertuumik katersuussimanerisa kingunerisaanik nunarsuup maannakkut suliffissaqalernissaq sioqqullugu (1850-1900) pisunit 1,1°C missaannik kiannerulerneranik kinguneqarpoq.

### Nunarsuup kiatsikkiartornerata sunniutai

Naalagaaffiit Peqatigiit silap pissusianut ilisimasalittai naapertorlugit ilaatigut ikummatisanik nunap iluaneersunik, soorlu aamarsuarnik, gassnik uuliamillu, ikuallaanermik inuit pissusilersortarnerat silap pissusiata allanngoriartorneranut pissutaavoq. Kissatsikkiartornera nunarsuarmi ilimanaateqartorujussuarmillu silap pissusiani sakkortuunik pisoqakulalerneranik, panernersuaqartalerneranik, kiarujussuartalerneranik, imermik amigaateqakulalernermik, annertuuunik ikuallattoqartalerneranik, imeqarfifit qaffasinnerujartornerannik, qarsutsinerit akulikinnerulernerannik, issittumi sikup aakkiartorneranik, nappaatit

tuniluunnerusalernerannik,  
ajunaarnersuaqartitsisumik anorersuakulalerneranik  
aammalu uumassusilit assiginngisitaartut  
ikiliartulernerannik kinguneqartussaavoq. (IPCC, 2022)


### Annerpaamik 1,5° C-inik qaffannissaa pillugu siunnerfiusoq aalajangiisiuulluinnarpoq

Naalagaaffiit Peqatigiinni silap pissusianut  
ilisimatusartut (IPCC) naliliipput, silap pissusiata  
sunniineri mumisinneqarsinnaanngitsut ajornerpaat,  
tassa imaappoq silap pissusiata allannguutai inuit  
iluarseqqissinnaanngisaasa,  
pinngitsoortinnissaannut, nunarsuup  
kissatsikkiauttornerata annerpaamik 1,5° C-imut  
killilerneqarnissaa pingaaruteqartussaasoq.  
Taamaattumik nunarsuarmi "point of no return"  
killiffigineqarsinnaasoq ilisimatuu ilimasaarutigaat,  
tassani uagut inuit kissatsikkiauttornera  
aqussinnaajunnaartussaallugu. Silaannarsuarmut  
ilanngaaseereernermi aniatitsinerit suli  
annertusiartorput, aammalu silap pissusianut  
pilersaarutit nalunaarutigineqartut atuunneranni  
ukioq 2100 tikitsinnagu agguaqatigiissillugu  
ataatsimut katillugu 2,1-2,9° C-inik kiannerulissasoq  
naatsorsuutigineqarpoq. (UNFCCC, 2022)

### Silap pissusiata allanngoriartornera qanoq Kalaallit Nunaannut sunniiva?

1997-imiilli sermersuarmi sermeq  
annikinnerulersimavoq. 2021/2022-mi sermeq  
katillugu 84 mia. tons missaa aassimavoq,  
tamatumalu 2021-miinnaq erngup qaffasissusaa 0,2  
millimeterit missaannik qaffasinnerulersissimavaa.  
Sermersuup aakkiauttornera pissusissamisoortumik  
nikerartumik sunnersimaneqarpoq, kisianni 1997-  
imiilli sermersuaq ukiuni tamaginni  
annertoorujussuarmik annikillerujussuartarpoq.  
Sermerujussuit aakkiauttornerisa  
sukkatsikkiauttornerani nunarsuarmi imarpit  
qaffakiauttinneqarput. Naalagaaffiit Peqatigiinni  
silap pissusianut ilisimatusartut naapertorlugit  
Kalaallit Nunaanni Issittumilu pisut makkua  
akunnattumik, annertuumik annertoorujussuarmillu  
ilimanaatilimmik pisartussaapput:

- Nunap qeriuuannartup aakkiauttornera
- Immat sikusartut annikilliauttorerat
- Immap qaffakiauttornera
- Qarsutsinerit aamma qaqqat sisoorneri,  
taakkualu aseruuseqsumik malissuartitsisarneri
- Nunami imaanilu uumasut arlallit  
nungutaanerat
- Issitumi kulturikkut kingornussassaqarfinni  
ajoquisiinerit aseruinerillu (IPCC, 2022)



Ilusiliaq 1. 1986-2022 sermersuup aakkiauttornera. Sermip 1986-imiilli ukiut tamaasa annikillisarnera annertusisarneralu. Kisitsisit ukiumi aaffiani naatsorsorneqartut, tassa imaappoq piffissami aaffiani ataatsimi aammalu ukiuunerani ataatsimi (1. sept.-31. august) aammalu milliarder tons-ini (Gt) akunnaallisillugu missingorsorlugu takutinneqartoq. Najoqqutarisaq: GEUS

### Paris-imi isumaqatigiissut

Paris-imi isumaqatigiissut Paris-imi COP21-mi nunanit 195-init 2015-imi akuerineqarpoq aammalu nunarsuup kissatsikkiauttornerata killilersimaarnissaa aamma annikillisitsinissamut tapersiissutinik nalunaarutiginnittarnissaq pillugit inatsisitigut pisussaaffiliisumik isumaqatigiissumik imaqarluni.

Immikkulliarissumik Paris-imi isumaqatigiissummi suleqataasut makkununnga inatsisitigut pisussaaffeqalerput:

- a) nunarsuup kissatsikkiauttornera suliffissaqalinnnginnerani annertussutsinut sanilliillugu agguaqatigiissillugu 2° C inungaatsiarlugu inissisimatinneqassasoq aammalu kissatsikkiauttornerata 1,5° C-imut killilersimaarnissaata sulissutiginissaa
- b) silap pissusiata allanngoriartornerata ajoquisiisumik sunniutaannut naleqqussarsinnaassuseqarnerulernissaq akiuussinnaassuseqalersitsinissarlu, aamma
- c) aningaasalersuiffiusut inuiaqatigiinnut annikitsumik aniatitsisunut allanngoriartitsinerup aammalu silap pissusianut patajaatsumik ineriartitsinerup tungaanut ingerlaartinnissaat.

Tamatuma saniatigut suleqataasut isumaqatigiissummi siunertaasut naammassinissaat siunertalarlugu, annikillisitsinissamut tapersiissutinik anguniagaqarfiulluartunik nunami namminermi



aalajangerneqartunik suliaqarnissamut, nalunaarutiginninnissamut, atuutsitsinissamullu pisussaaffeqalerput. Paris-imi isumaqatigiissutip atuunnerani suleqataasut tamarmik ukiut tallimakkaarlugit annikillisitsinissamut tapersiissutit nalunaarutigisartussaavaat imaluunniit nalunaarutigeqqittartussaallugit.

Paris-imi isumaqatigiissummi ilaatinneqartuni pingaarnerni allani pineqarput:

- Nunarsuarmi aniatitsinerit sappinngisamik paartumik annerpaaffissaminilernissaat pillugu siunnerfik
- Anguniagaqarnermut periaaseq, tassani annikillisitsinissamut siunnerfiit nalunaarutigineqartut anguniagaqarfiulluarnerujartuinnassallutik
- Nunarsuarmi aniatitsinerit pillugit paasuminarnerulersitsinissamik anguniagaqarneq kiisalu ataatsimoorluni naatsorsuinermut periaaseqalernissaq
- 2025-p tungaanut nunat suliffissuaqarfiusut nunanut ineriertortinneqartunut silap pissusianut aningaasalersuinermut ukiumut 100 mia. USD atugassannangortittassagaat pisussaaffilerneqarput
- Silap pissusianut naleqqussaanermut suliniutissat pilersaarusrioneqarnerat atuutsinnejalernerallu pillugit ukioq ataaseq allortarlugu attaveqaqatigiittarnissamik siunnerfeqarneq
- Naalagaaffiit Peqatigiit ukiut tallimakkaarlugit suleqataasut Paris-imi isumaqatigiissummi pingaarnertigut

anguniakkat angunissaannut  
'ingerlallualersimanersut'  
alapernaarsussavaat

## Kalaallit Nunaat qanoq Paris-imi isumaqatigiissummi pisussaaffilerneqarpa?

Nunamut tunuarsiamaarfeqarneq atorunnaarsinnejassappat Kalaallit Nunaata qanoq pisussaaffeqalernissaanut naliliinissamut, Kalaallit Nunaata inatsisitigut pisussaaffigiligassai, Paris-imi isumaqatigiissummut nunamut tunuarsiamaarfeqarnerup atorunnaarsinnejarnerani malittaasussat, Poul Schmith/Naalagaaffiup eqqartuussissuserisuata naliliiffigai. (Itisiliinissamut takuuq nalunaarusiaq tunngaviusoq)

Naalagaaffiup eqqartuussissuserisa pingaernerpaatigut naliliivoq:

- Kalaallit Nunaata nammineerluni annikillisitsinissamut tapersiissutissai Kalaallit Nunaata Danskit pisussaaffiannut tapiliullugu attaveqaqatigiissutigisinnagai
- Danmarkimiit allaanerusumik annikillisitsinissamut pisussaaffimmik Kalaallit Nunaata nalunaarutiginninnissaanut, inatsisitigut isigalugu akornutissaqanngilaq
- Kalaallit Nunaata annikillisitsinissamut pisussaaffinni suliassaqarfitt toqqakkani ilaatinngissinnaavai, assersuutigalugu aatsitassanik piaaneq aamma umiarsuit angallannerat.






## Silap pissusianut sunniineq annikillisitsinissamullu periarfissat

### 2020-mi Kalaallit Nunaanni silap pissusianut sunniineq

Kalaallit Nunaata nunami namminermi silap pissusianut sunniinera 2020-mi CO<sub>2</sub>-nngorsinnaasut 577.000 tonsiupput, innuttaasumut ataatsimut 10,2 tonsinik naleqarlutik.


Kalaallit Nunaanni CO<sub>2</sub>-mik aniatitsinerit pingaartumik aalisarnermut, assartuussinermut, kiassarnermut innaallagissiornermullu uuliamik tunisassianik atuinermeersuuvoq. Uuliamik atuineq 2020-mi katillugu CO<sub>2</sub>-nik 533.000 tonsinik aniatitsiviusoq. Nukissiamik atuinerup saniatigut eqqagassalerinermiit (ikullaanerunngitsoq), sulifissuarni sulianik ingerlatitsinermiit allaniillu CO<sub>2</sub> 44.000 tons missaa aniatinneqarpoq. Nukissiamik atuinermiit aniatitsineq ilusiliaq 2-mi takuneqarsinnaavoq.

2020-mi nukissiamik atuinerup tamarmiusup 82%-ii uuliamik tunisassianeersuuvoq (pingaartumik diesel, timmisartunut ikummatisaq aamma benzina), nukissiamik atuinerup sinnera 18% erngup nukinganeersuulluni eqqagassalerinermeersuullunilu.



Ilusiliaq 2. Kalaallit Nunaata 2020-mi CO<sub>2</sub>-mik aniatitsinera.  
Najoqqutarisaq: Naatsorsueqqissaartarfik.

Aniatitsinerit 28%-ii aalisarnermeersuuvoq, 20%-ii illunik kiassarnermeersuulluni, 16%-ii nukissiornermeersuulluni (pingaartumik innaallagissiornermut diesel) aammalu 16%-iisa missaa assigiinnngitsutigut assartuussinermeersuulluni. 1990-imi CO<sub>2</sub>-nik aniatitsinerit 653.000 tonsiupput. Taamanikkulli silap pissusianut sunniineq allanngorarsimavoq aammalu 2011-imi 762.000 tonsiulluni qaffasinnerpaamiilluni, tassani uuliasiorluni misissuineq annerpaaffiminiimmat. Ullumikkut ukiumut CO<sub>2</sub>-nik aniatitsinerit 1990-imiit 12%-imik annikinnerupput, tamatumunngalu pingoartumik pissutaavovoq pisortat pilersuinerisa annertunerpaartaata ullumikkut erngup nukinganeersuunera.



Ilusilaq 3. Kalaallit Nunaata nukissiamik atuinermut, suliffissaqarnermut, eqqagassalerinermut nunalerinermullu/nunaminertanik atuinermut tunngatillugu CO<sub>2</sub>-nnguussinnaasunik aniatitsinerata 1990-2020 ineriarornera. LULUCF star for 'Land Use, Land Use Change and Forestry'. Najoqqutarisaq: UNFCCC-mut nalunaarutigineqartut.

## Sulinuitissat aallartinneqareersut

Kalaallit Nunaanni silap pissusianut sunniinerup annikillisinnissaanut uuliamik atuinermut periafissanik allanik nassaarniarnissaq pisariaqarpoq. Erngup nukinga nukissiamit ataavartumiit (VE) sarfamik akikinnerusumik pilersuisinnaassaaq, taamaattumillu mingutsitsinngitsumik aaqqiissutissat akikinnerpaat, illoqarfinni erngup nukinganik atuiffiusuni uuliamik atuinerup sapinngisamik annertunerpaamik innaallagiannngortinneqarneratigut pisinnaasoq, ilimanaateqarpoq. Tassani ilaatigut ilaatinneqarput uuliamik kiassarnerup innaallagiamik kiassarnermut allanngortinneqarnissa, biilit nalinginnaasut biilinik innaallagiamoortunik taarsersornissaat, umiarsualivinni nunamit safalersuineq il.il.

Sulinuitissani aallartinneqareersuni Kalaallit Nunaat gassinik silaannarmik kissatsitsisartunik

aniatitsineranik appartitsisinnaanerannik ilimanaateqartorujussuarni makkua taaneqarsinnaapput:

- Nuummi erngup nukinganik innaallagissiorfiup Utoqqarmiut Kangerluarsunnguata allilerneqarnera. Allilerinermi Nuummi uuliatortumik kiassatillit innaallagiamik kiassarnermut qaminneqarsinnaasumut allanngortitsinissaat, kiisalu siunissami Nuummi innaallagiamik kiassarnermillu pisariaqartitsinerup erngup nukinganik naarmassineqarsinnaanissa qulakkeerneqassapput.
- Qasigiannguit Aasiaallu pilersorneqarnerannut Kuussuup Tasiani erngup nukinganik innaallagissiorfiliorneq. Tamatuma kingunerisaanik maannakkut uuliamik aallaavilimmik innaallagissiorneq erngup nukingannik taarserneqarsinnaavoq, kiisalu uuliatortumik kiassatillit innaallagiamik kiassarnermut qaminneqarsinnaasumut allanngortitsisinalissallutik.
- Illoqarfinni nunaqarfinnilu allani VE-nik ingerlaavartumik annertusaaneq, ilanngullugu seqernup nukinganik nukissiuutinik batteriinillu (marloqiusamik periaaseqarfiusut) annertusaaneq. Seqernup nukinganik nukissiuutit aamma marloqiusamik periaaseqarfiusut illoqarfinni nunaqarfinnilu ingerlaannaq erngup nukinganik pilersorneqarnissamut periarfissaqanngitsuni innaallagissiornermut uuliamik sipaaruteqarnermut iluaquataassapput.
- Illoqarfinni erngup nukinganik innaallagissiorfeqarfiusuni uuliamik kiassarnerup innaallagiamik kiassarnermut annertunerusumik allanngortinneqarnera. Illoqarfinni erngup nukinganik innaallagissiorfeqarfiusuni, erngup nukinganik innaallagissiorfinni pisinnaasanik atugassaqartillugu uuliatortumik kiassatillit innaallagiamik kiassarnermut qaminneqarsinnaasumut allanngortitsisinalissaat aammalu aalisakkerivinni (ilaatigut Ilulissani) unnaavissuit uuliatortut unnaavinnut

innaallagiatortunut  
allangortissinnaanissaat,  
sulissutigineqarput.

- Illoqarfinni erngup nukinganik  
innaallagissiorfeqarfiusuni biilinut  
innaallagiamoortunut immiinermut  
attaveqaasersuutinik annertusaaneq.  
Ilaatigut pisartagaqalernissamut  
aaqqiissutissat aammalu immiisarfinnik  
amerlanerusunik ikkussuinissaq  
sulissutigineqarput.
- Tussas-ip sakkortusaaveqarfiini VE.
- Imarpik qulaallugu timmisartunut mittarfiit  
nutaat, nunap iluani uteqattaartumik  
angallannissamik pisariaqartitsinermik  
annikillisitsisussat.




## Silap pissusianut sunniinerup siumut naatsorsornera

Kalaallit Nunaanni gassinik silaannarmik kissatitsisartunik aniatitsinerup annikillisinnissaanut iluaqutaasinnaasut suliniutissat aammalu sunniiniutit ilisimaneqareersut annikinnerusumik misissoqqissaarneqarput. Misissueqqissaarnermi kisitsisit Nunalerinermut, Imminut Pilersornermut, Nukissiutinut Avatangiisinnull Naalakkersuisoqarfimmersut aallaavigineqarput aammalu suliniutissat assigiinngitsut pingaaruteqarnerannik takussutissiinerulluni. Suliniutissat sunniiniutissallu marlunnut assigiinngitsunut agguarneqarput:

- **Suliniutissat aallartinneqareersut:** Erngup nukinganik innaallagissiorfinnik

annertusaaneq aamma imarpik qulaallugu timmisartunut mittarfiit nutaat.

- **Pilersaarusrornerup immikkoortuani suliniuteqarnerit:** Erngup nukinganik pisinnaasanik annertusaqqinneq, Ilulissani erngup nukinganik innaallagissiorfiup tamakkiisumik atorluarneqarnissaa, aammalu illoqarfiit uuliamik pilersorneqartut sinnerini nunaqarfinnilu tamaginni marloqiusamik periaaseqarluni pilersuineq, seqineq batterillu (immaqalu anori) aamma dieselaggregatit atorlugit. Illoqarfinni erngup nukinganik innaallagissiorfeqarfiusuni immiinermut attaveqaasersuutinik annertusaaneq aammalu biilit innaallagamoortut amerlanerusut.



Ilusilaq 4. Kalaallit Nunaanni oqaluttuarisaanermi CO<sub>2</sub>-mik aniatitsineq aamma marlunnik assigiinngitsunik suliniuteqarluni Kalaallit Nunaata silap pissusianut sunniinerata siumut naatsorsornera. Naoqqutarisaq: Ea Energianalyse

Erngup nukinganik annertusaaneq aammalu imarpik qulaallugu timmisartunut mittarfiit nutaat pillugit suliniutissat aallartinneqareersut piviusungorneranni CO<sub>2</sub>-mik aniatitsinerit 2020-mut sanilliullugu 20%-it missaannik annikillisinneqarsinnaapput. Tamanna CO<sub>2</sub>-nik 118.000 tonsinik annikillisitsinertut annertussuseqarpoq, taamaalilluni aniatitsinerit tamarmiusut CO<sub>2</sub>-nik 459.00 tonsinut annertussuseqalissallutik. Naliliisoqarpoq suliniutissat ullumikkut pilersaarutigineqareersut tamarmik aallartinneqarpata CO<sub>2</sub>-mik aniatitsinerit 2020-mut sanilliullugu 40%-ngajannik annikillisinneqarsinnaasut (1990-imut sanilliullugu 46%), taamaalillutik aniatitsinerit tamarmiusut CO<sub>2</sub>-nik 350.000 tonsinik annertussuseqalissallutik.

Sinneruttut CO<sub>2</sub>-t 350.000 ton mingutsitsinngitsumik umiarsuit anngallanneranni nunamilu assartuussinermi, mittarfinni aamma illuliorernut, sanaartornernut pilersitsisarnernullu suliffeqarfiiit nukissiamik atuineranni kiisalu allani nassaarineqarsinnaapput. Tassani toqqaannartumik innaallagimoortunngortitsineq unammillernartortaqarpoq aammalu ikummatissanut mingutsitsinngitsunut, ilanngullugit e-fuels, allanggoriartortitsinissaq pisariaqartinneqarsinnaalluni.



## Ikummatissat mingutsitsinngitsut

Umiarsuit angallannerannut, innaallagissiornermut, kiassarnermut silaannakkullu angallannermut il.il. ikummatissani mingutsitsinngitsuuusinnaasuni ilaapput:

- Ikummatissat uumassusilinneersut piujuartitsiviusumik uumassusilinneersut
- Biometan/bio-LNG<sup>1</sup>
- Biometanol
- E-fuels (Power-to-X) VE-mi innaallagiaq aamma biogent CO<sub>2</sub> aallaavigalugit
  - E-brint
  - E-metanol
  - E-ammoniak
  - E-diesel

### E-fuels (Power to X)

Ikummatissat Power-to-X (PtX) teknologiimik taagorneqartut (aamma taaneqartartut elektrofuels

imaluunniit e-fuels) atorlugit tunisassiarineqartut ukiuni makkunani nunani tamalaani ukkatarineqartorujussuupput. PtX ikummatissanut brintiniit tunisassiarineqartunut ataatsimoortumik taagutaavoq. Brint sarfamit mingutsitsinngitsumit (ilaatigut erngup nukinganit) elektrolyseteknologi atorluq tunisassiarineqarsinnaavoq aammalu brint tamatuma kingorna ikummatissanik arlalinnik tunisassiornermut ilanngussassasut atorneqarsinnaalluni, ilangullugit metan, metanol, ammoniak imaluunniit tunisassiat dieselimut assingusut. Nunat ameriartuinnartut maannakkut brintinut aamma PtX-inut periusissianik atuippit, pissutigalugu aaqqiissutissat brintinik aallaaveqartut ungasissumi silap pissusianut mingutsitsinnginnissaq pillugu siunnerfiit angunissaannut pisariaqartutut isigineqarmata. Ullumikkut suli unammilligassaqaqpoq, PtX-ini ikummatissat akisummata, aammalu suliffissuaqarneq suli ineriertortinnejarluni. Kalaallit Nunaat PtX-inik tunisassiornissamut tunngavissaqaqluarpoq, kisianni nukissioriaatsini nutaani taakkunani, ullumikkut

Takussutissiaq 1. Ikummatissanik mingutsitsinngitsuuusinnaasuni Kalaallit Nunaanni atorneqartuni iluaqtissartaasut ajoqtissartaasullu

	Iluaqtissartaasut	Ajoqtissartaasut
Ikummatissat uumassusilinneersut	<ul style="list-style-type: none"> <li>• Ullumikkut pissarsiarineqarsinnaapput</li> <li>• Motorini dieselitortuni toqqaannartumik atorneqarsinnaavoq (ikummatissat uumassusilinneersut aalajangersimasumik suussusillit)</li> <li>• Innaallagissiornermut atorneqarsinnaapput</li> </ul>	<ul style="list-style-type: none"> <li>• Nunarsuarmi uumassusillit isumalluutit killeqarpit – ungasissumut aaqqiissutissaanngilaq</li> <li>• Eqqunneqartussaavoq</li> <li>• Piujuartitsineremi anigorniagassaqaqpoq</li> </ul>
E-brint	<ul style="list-style-type: none"> <li>• Umiarsuit angallannerannut ikummatissatut atorneqarsinnaapput</li> </ul>	<ul style="list-style-type: none"> <li>• Assartornera toqqorsivimmiiitinneralu akisoorujussuupput</li> <li>• Isumannaalisaanerup qaffasissuunissaq pisariaqarpoq</li> <li>• Nutaanik attaveqaasersuinissaq pisariaqarpoq</li> <li>• Motoorit tassunga atugassat imaluunniit motooreqarfiit naleqqussarnissaat pisariaqarpoq</li> <li>• Eqqunneqartussaavoq, tassami Kalaallit Nunaat nammineq tunisassiarinissaanut CO<sub>2</sub>-nik isumalluuteqanngilaq. Taamaannngippat Kalaallit Nunaanni PtX-inik tunisassiornissamut CO<sub>2</sub>-nik eqquissisoqassaqaq</li> </ul>
E-metanol	<ul style="list-style-type: none"> <li>• Umiarsuit angallannerannut annertuumik periarfissaqaqrifapput (Mærsk assersuutigalugu 2030 tungaanut e-metanol atomissaa naatsorsuutigaa)</li> <li>• Benzinamik akuneqarsinnaavoq</li> </ul>	<ul style="list-style-type: none"> <li>• Ammoniakkutinut motoorinik atugassanik taarsersuinissaq piaqarpoq-motorer</li> <li>• Motoorinut ikuallaaviusunut ammoniak misilittagaqarfigineqarpallaanngilaq</li> <li>• Isumannaalisaaneremi anigorniagassaqaqpoq (ammoniak aniasut toqunartuupput)</li> </ul>
E-ammoniak	<ul style="list-style-type: none"> <li>• Ungasinnerusoq isigalugu e-fuel imerpalasut akiinnersarilersinnaavaat</li> <li>• Kalaallit Nunaanni tunisassiarineqarsinnaavoq</li> </ul>	<ul style="list-style-type: none"> <li>• Tunisassiornermi nukissiaq annertoog annaaneqartarpoq</li> <li>• Tunisassiarinissaak isoqassaqaqpoq</li> </ul>
E-diesel	<ul style="list-style-type: none"> <li>• Motorini generatorinilu dieselitortuni toqqaannartumik atorneqarsinnaavoq</li> </ul>	<ul style="list-style-type: none"> <li>• Tunisassiornermi nukissiaq annertoog annaaneqartarpoq</li> <li>• Tunisassiarinissaak isoqassaqaqpoq</li> </ul>

<sup>1</sup>




uuliamut gassimullu tunngatillugu akigitiani unammillersinnaassuseqannngitsuni, tunisassiornermut aningaasartuutit appartinnissaannut, teknologiikkut suliat ingerlasarnerisa taakkua inerilluartinnissaat suli pisariaqartinneqarpoq.

#### **Ikummatissat uumassusilinneersut**

Ikummatissat uumassusilinneersut ullumikkut motoorini ikummatissamik atuisuni pioreesuni, dieselimik imaluunniit benzinamik akuneqarlutik atorneqarsinnaalereerput (ikummatissat uumassusilinneersut suunerat apeqqutaalluni). Kisiannili ikummatissani uumassusilinneersuni anigorniagassat pingaarnerit annertuut marluupput: 1) Piujuartitsinissaq – ikummatissat uumassusilinneersut tamakkerlutik pissusiviusuni CO<sub>2</sub>-nik annikillitsinermik kinguneqartartuunngillat aamma 2) Isumalluutinik atuineq – uumassusilinneersut isumalluutit atorneqarsinnaasut killilimmik annertussuseqarput. Matuma kinguliani ikummatissat uumassusilinneersut aamma e-fuels 2050 tungaanut qanoq akeqarsinnaanerannut

missingersuinerit nalorninartortaaasut akuttussuseqartillugit takutinneqarput.



*Ilusiliaq 5. e-fuels-inut tunisassiornermut aningaasartuutit siumut naatsorsukkat, ullumikkut uuliamut akigitianut sanilliullugit. Titarnilersukkani nalorninartortaaasut takutinneqarput. Missingersuinermi aallaavigineqarpoq (IRENA, 2021) (DNV, 2021) (Maersk Mc-Kinney Møller Center for Zero Carbon Shipping, 2021)*



# Inuussutissarsiutini anigorniagassat


## Aatsitassanik piiaaneq

Silap pissusianik mianerinninnissaq aatsitassarsiornermut suliassanik ineriaartortitsinissamut, Kalaallit Nunaanni aningaasaqarnikkut siuariartortiseqataasussamut, killiliisinnanaanersoq ernumassutigineqarnera, Paris-imi isumaqatigiissummut nunamut tunuarsimaarfeqarnermut pissutaanerpaasut ilagaat.

Aatsitassanut suliassaqaarfimmi ingerlatassat ullumikkut ineriaartorput aammalu Kalaallit Nunaata CO<sub>2</sub>-mik aniatitsinerata 1%-ianit annikinnerulluni. Kisiani suliassaqaarfik ineriaartussappat, Kalaallit Nunaata aningaasaqarneranut, nukissiamik atuineranut immaqalu aamma CO<sub>2</sub>-mik aniatitsineranut tamanna gamechanger-iulersinnaavoq. Ullumikkut piiaanissamut akuersissutit ingerlatsivigineqartut arfiniliupput, taakkunangna marluk aatsitassarsiortittut ingerlanneqarlutik. Suliassat tamarmik maannakkut piiaanissamut akuersissutit tunuliaqtaralugit aatsitassarsiortinnungussappata, innaallagiamik ujartuineq tamarmik dieselaggregat-init naammassineqassappat, Kalaallit Nunaata CO<sub>2</sub>-mik

aniatitsinerata 2020-mut sanilliullugu isigalugu 40%-inik annertunerulerneranik malitseqarsinnaavoq. Tassani missingersuinerit 'worst-case'-tut ittut pineqarput. Oqaatigineqarpoq, suliassat suut aallartinneqassanersut kiisalu taakkua piffissaq ingerlanneqarfissaat, taamaalillunilu CO<sub>2</sub>-nik aniatitsinerat assigiinersut, missingersoruminaatsut.

Aatsitassarsiornermik ingerlatsinerup VE-nik, ikummatissanik dieselaggregat-init silap pissusianut ajoquisiinnginnerusartunik aallaaveqartinneqarsinnaaneranut periarfissaqarpoq kiisalu teknologit CO<sub>2</sub>-nik annikillisitsisartut ilaatinneqarsinnaallutik. Periarfissani ilaatigut ilaatinneqarput erngup nukinganik isumalluutinik qanitaanniittunik atorluaaneq, anorisaatinik seqernup nukinganik innaallagissiorfinnik batteriinillu arlariinnik periaaseqarnerit kiisalu ikummatissat uumassusilneersut aammalu ungasinnerusumi e-fuels. Aatsitassanut Naalakkersuisoqarfik naliliivoq nukissiornerup ataavartumik nukissiorfiusussanik aallaaveqartinnissaa aatsitassarsiortiutleqatigiiffinniit soqutigineqariartuinnartoq.



*Ilusiliaq 6: Aatsitassarsiorfiautaaq pilorsorneqarpata, nukissiamik atuinerup malitsigisaanik Kalaallit Nunaata CO<sub>2</sub>-mik aniatitsinera. Najoqqutarisaq: Aatsitassanut Inatsisillu Atuutsinneqarnerannut Naalakkersuisoqarfimmii paassisutissanik immersorneqarneq aallaavigalugu Ea Energi-p misissueqqissaarnera*

## Imarsiorneq aalisarnerlu

Aalisarneq Kalaallit Nunaanni inuussutissarsiuutini qitiulluinnarpooq, oqaluttuarisaanermi, kulturikkut inuussutissarsiornikkullu pingaaruteqartorujussuulluni. 2020-mi Kalaallit Nunaanni sulisussat 20%-iisa missai aalisarnerup iluani sulisuupput aammalu nunarput ukiumut 5 mia. koruuningajannut aalisakkanik qalerualinnillu tunisassianik avammut nioqquteqarpoq, Kalaallit Nunaata avarmut nioqquteqarnerata 91%-atut annertussuseqarluni.


Ukiumut aalisakkat qaleruallillu 300.000 tons missaat pisarineqartarput. Aalisarnerup affaata missaa avataasiirluni kilisaatineersuovoq, affaata appa sinerissap qanittuaniilluni aammalu umiatsiaaqqaniit, aalisariutiniit kilisaatiniillu pisarluni.

Mingutsitsinngitsumut allanngoriartitsineq nunarsuarmi pivoq, aammalu umiarsuit angallannerisa iluanni ukiuni qulikkaani aggersuni malunnaatilimmik allanngoriartortsisoqarnissaa naatsorsuutigineqarluni. Kalaallit Nunaat nunani tamalaani niuerfinni tuniniaasarpooq, aammalu silap pissusianut sunniinerit eqqarsaatigalugit tunisassiortoqarnissaa pillugu ujartuisuniit tatisimannittooqaraluttuinnarpooq. Taamaattumik nunani tamalaani ineriartornerup malinnaaffiginissaa iluaqutaasinnaavoq, taamaalilluni inuussutissarsiornermi periarfissaqarfiaut

annaaneqassanatik. Matuma kinguliani Paris-imi isumaqatigiissutip inuiaqatigiinnut kalaallinut sunniutissaannik misissueqqissaarneq

Nunarsuarmi takuneqartartut makkua imarsiornermut suliassaqarfimmii silap pissusianut sunniinermut qitiussasut naliliisoqarpoq:

- 2050-imi silap pissusianut mingutsitsinnginnissap anguneqarsinnaanissaanut umiarsuarni ikummatisat akuleriissinnissaat pisariaqartinnejartussaavoq
- Akunnattumik ungasissusilimmi CO<sub>2</sub>-nik aniatitsineq annikillisinneqassappat, imarsiornermi angallatit amerlanerpaartaasa nukissiamik sunniuteqarluernerulersinnissaat pisariaqartussaavoq
- Umiarsuit angallannerannut e-fuels, ilanngullugit brint, e-metanol aamma e-ammoniak misilittagaqarfijineqarnerat killeqarpoq, kisianni teknologiit ineriartortinnejaleruttorput
- 2050-imi e-ammoniak, umiarsuit angallannerannut ikummatisatut isumannaatsutut inissinneqarsinnaaguni, IRENA naapertorlugu imarsiornermi ikummatisat mingutsitsinngitsut akikinnerasaasa akornanniittussaavoq. Ammoniak naammattumik isumannaassusilitut inissismalersinnaanersoq suli nalorninarpoq
- Sinerissap qanittuani imarsiornermut umiarsuit innaallagiamik ingerlatillit VE-ni aaqqiissutissaasinnapput
- Liquified natural gas (LNG) ullumikkut umiarsuit angallanneranni annikinnerusumik atorneqarpoq aammalu e-metan-itut illuni pingaaruteqalersinnaalluni
- E-diesel ullumikkut imarsiornermut suliassaqarfimmii allanngoriartortsinermut aaqqiissutissatut akisuujusoq paasineqarpoq



*Ilusiliaq 7. '1.5°C-imik takorluukkarni' 2018-2050 IRENA-p misissueqqissaarnerani 'A pathway to decarbonise the shipping sector by 2050' nunarsuarmi imarsiornermi nukissiamik atuineq kiisalu ton-mile-mut takutillugu nukissiap annertussusaa. Najoqqutarisaq: (IRENA, 2021)*

	Tikkkuminassuseq	Silap pissusia	Ikummatissamik tunisassiorneq	Toqqorsineq, attaveqaersuutit orsorsornerlu	Isumannaallisaaneq ikummatissanillupassussineq	Maleruagassiineq
Nunap iluaniittut						
E-brint						
E-ammoniak						
E-metanol						
Ikummatissat uumassusilinneersut						

*Ilusiliaq 8. Qorsopaluttoq = Teknologi inerisimasoq misilittarneqarsimasoq, Sungaartoq = Aaqqiissutissanik peqarpoq, Aappaluttoq = Annertuunik unammilligassaqarfiusoq. Ikummatissat assigiinngitsut killiffiinut takussutissiaq. Tunngavigineqarpoq (Mærsk Mc-Kinney Møller Center for Zero Carbon Shipping, 2021)*

Kalaallit Nunaannut tunngatillugu imarsiornermut suliassaqarfiup iluani allanngortitsinerni pingaarutilinni ilaapput:

- Nunami sarfamik pissarsinissamik periarfissaqarnerulernissaq
- Nunami assartuussinerup innaallagiamoortunngortinnissaa
- Sinerissap qanittuani aalisarnermut imarsiornerullu ilaanni batteriinik imaluunniit arlalinnik atuuffilinnik aaqqiissuteqarnerit
- Umiatsiaararsortunut aquuteralaat innaallagiamoortut
- Ikummatissat uumassusilinneersut nutaaliasut
- E-metanol
- E-ammoniak

Umiarsuit angallannerannut ikummatissani mingutsitsinngitsuni inerilluarsimassutsimut anigorniagassanullu takussutissiaq Ilusiliaq 8-mi takuneqarsinnaavoq.

## Inuussutissarsiornermi siunissami periarfissat allat

Kalaallit Nunaanni inuussutissarsiortut Kalaallit Nunaata Paris-imi isumaqatigiissutip inuaqatigiinnut kalaallinut sunniutissaannik misissueqqissaarneq. Ilisimasat taakkua suliaqartunik qitiusunik 21-nik apersuinikkut katarsorneqarput (sukumiisortaannut amerlanerusunut takuuk nalunaarusiaq

tunngaviusoq), aammalu siunnersortit suliffeqarfianit Mind Your Business-ipi inuussutissarsiortut Paris-imi isumaqatigiissummut aamma mingutsitsinngitsumut allanngoriartortsinermut isumaannik naliliinera aallaavagalugu eqikkaaneq naatsoq imaappoq:

- Suliffeqarfifiit aporseeqartut amerlanersaat isumaqarput silap pissusiata allanngoriartornera sermersuup aakkiartorneranik nunarsuarmi isiginnitsilerluni pisoqarnerani “taamaaliornissaq eqqortuuusoq”
- Isummertarneq akuttunngitsumik taaneqartartoq tassaavoq, nunatsinnut piujuartussamik takornariartitsinermut periusissiaq nunami namminermi mingutsitsinngitsumut allanngoriartortsinermut atalluinnartuusoq
- Suliffeqarfifiit arlallit erseqqissarpaat mingutsitsinngitsumut allanngoriartortsinerp periusissatut ukkatarineqarnera, nunanit allaneersut naammattumik aningaasaliinissaannut annertuumik tunngassuteqartoq. Silap pissusia eqqarsaatigalugu tunisassiorneq taamaalilluni pingaartumik avammut nioqquteqarnermut inuussutissarsiortuni ‘gamechanger’-innorgsimavoq
- Mingutsitsinngitsumut allanngoriartortsinermut politikkikkut aalajaatsunik, anguniagaqarfiusunik



ungassisumullu isumaqatigiissuteqarnissaq,  
taakkualu naalakkersuisut kositigaanerat  
apeqqutaatinnagu atuutsinnejassasut,

suliffeqarfiit ersarissumik kaammattutigaat

- Avaatartumik nukissiuuteqarnermiik  
salliuitsiviusumik akitsuutit ilusiligaanissaat  
aammalu nunap iluaneersunik  
ikummatissanik atuinerup  
pilerinaateqannnginnerulersinnissaa,  
inuussutissarsiortut ilaasa inassutigaat.  
Mingutsitsinngitsumut  
allangoriorartitsinissamut  
aninggaasaqarnikkut kajumissaateqalersillugu  
maleruagassiinissaq pisariaqartinneqartoq  
isumaqartoqarpoq.



# Innersuussiviit

DNV. (2021). *Maritime Forecast to 2050 - Energy Transition Outlook 2021*. DNV.

IPCC. (2022). *AR6 Synthesis Report: Climate Change 2022*. Intergovernmental Panel on Climate Change (IPCC).

IRENA. (2021). *A pathway to decarbonise the shipping sector*. International Renewable Energy Agency (IRENA).

Mærsk Mc-Kinney Møller Center for Zero Carbon Shipping. (2021). *We show the world it is possible*. Mærsk Mc-Kinney Møller Center for Zero Carbon Shipping.

UNFCCC. (2022). *Nationally determined contributions under the Paris Agreement - Synthesis report by the secretariat*. United Nations - Framework Convention on Climate Change.

United Nations. (2022, 11). *United Nations - Climate Action*. Retrieved from www.un.org:  
<https://www.un.org/en/climatechange/what-is-climate-change>

